

D A G S K R Á

STOFNÞING SKOTSAMBANDS ÍSLANDS

FÖSTUDAGINN 16. FEBRÚAR 1979.

1. Stofnþingið sett af Gísli Halldórssyni forseta ÍSí.
r . í .
2. Kjörbréf og aðild að stofnun sérsambandsins (athugun).
3. Lagt fram til afgreiðslu frumvarp að lögum fyrir Skotsamband Íslands.
4. HLE.
5. Kosið í stjórn og aðrar trúnaðarstöður Skotsambands Íslands.
6. Önnur mál.

Þessi héraðssambönd hafa tilkynnt aðild sína að Skotsambandi Íslands.

Íþróttabandalag Reykjavíkur:

Fulltrúar: Axel Sölvason
Björn Eiríksson
Ólafur Ófeigsson
Steinn Einarsson
Vilhjálmur Sigurjónsson

Varafulltrúi: Magnús Sigurðsson.

Héraðssambandið Skarphéðinn:

Fulltrúar: Axel Wolfram
Gunnar Kristófersson
Þórhallur Hróðmarsson

Íþróttabandalag Hafnarfjarðar:

Fulltrúar: Guðmundur Guðmundsson
Jóhann Christenssen
Ferdinand Hanssen

Íþróttabandalag Vestmannaeyja:

Fulltrúar: Loftur Harðarson
Friðrik Harðarson

Íþróttabandalag Akureyrar:

Fulltrúar: Sigurður Aðalsteinsson

Torf. Gunnlaugsson

Íþróttabandalag Ísfirðinga:

Sendir ekki fulltrúa.

Héraðssambönd, félög og iðkendurskotfimi samkvæmt kennsluskýrslum 1977.

| | | | |
|----------|-------------------------|-----|-----|
| U.M.S.S. | Ungmennafélagið Fram | 14 | |
| - " - | Glóðafeykir | 4 | 18 |
| H.V.f. | Ungmennafélagið Vorblóm | 5 | |
| | Íþróttafélagið Stefnir | 4 | 9 |
| H.S.H. | Miklaholtshrepps | 2 | 2 |
| U.S.V.H. | Ungmennafélagið Grettir | 12 | |
| - " - | Víðir | 8 | 20 |
| Í.B.A | Íþróttafélag Fatlaðra | 4 | 4 |
| Í.B.H. | Skotfélag Hafnarfjarðar | 24 | 24 |
| H.S.K. | Skotfélag Hveragerðis | 20 | |
| | Ungmennafélagið Vaka | 5 | 25 |
| Í.B.R. | Skotfélag Reykjavíkur | 363 | 363 |

Iðkendafjöldi 465.

ATH:
Vitað er um tvö skotfélög, sem starfandi eru, en koma eigi fram í yfirliti þessu, þar sem skýrslur fyrir 1977 bárust ekki. Annað skotfélagið er á Akureyri, hitt er í Vestmannaeyjum þannig að fullvíst er að mun fleiri iðka skotfimi, en seinustu kennsluskýrslur greina frá.

FRUMVARP AÐ LÖGUM FYRIR SKOTSAMBAND ÍSLANDS

1.grein

Skotsamband Íslands (S.T.Í.) erð æðsti aðili um öll mál skotíþróttarinnar innan vébanda Íþróttasambands Íslands (Í.S.Í.)

2.grein

Skotsamband Íslands er samband skotráða svo og héraðssambanda og eru öll þau félag innan Í.S.Í., er iðka, æfa og keppa í skotíþrótt, aðilar að S.T.Í.

3.grein

Starf S.T.Í. er í meginatriðum:

- a. Að hafa yfirstjórn allra íslenskra skotíþróttar.
- b. Að vinna að eflingu skotíþróttar og koma fram erlendis fyrir hönd skotíþróttarinnar. Með hæfilegum fyrirvara skal S.T.Í. tilkynna framkvæmdastjórn Í.S.Í. áætlanir sínar og ákvarðanir um samskipti við útlönd.

4.grein

Málefnum S.T.Í. stjórna:

- a. Skotþingið.
- b. Stjórn S.T.Í.

5.grein

Skotþingið fer með æðsta vald í málefnum S.T.Í. Þingið sitja fulltrúar frá þeim aðilum sem mynda S.T.Í.

Fulltrúafjöldi hvers aðila fer eftir tölu vinkra skotiðkenda, þannig að fyrir allt að 25 menn koma 2 fulltrúar og síðan 1 fyrir hverja 25 eða brot úr 25, upp í allt að 100 iðkendur, og þá 1 fulltrúi að auki fyrir hverja 50 iðkendur það fram yfir.

Þingið skal haldið í október ár hvert. Skal þingið boðað bréflega með minnst eins mánaðar fyrirvara. Málefni, sem sambandsaðilar óska að tekin verði fyrir á þinginu, skulu tilkynnt stjórn S.T.Í. bréflega minnst tveimur vikum fyrir þingið. Þá skal stjórn S.T.Í. tilkynna sambandsaðilum dagksrá þingsins ásamt tillögum og lagabreytingum, sem borist hafa, í síðasta lagi 7 dögum fyrir þing. Skotþingið er lögmat, ef löglega hefur verið til þess boðað.

6.grein

Á skotþinginu hafa fulltrúar einir atkvæðisrétt, en auk þeirra eiga rétt á þingsetu og hafa þar málfrelsi og tillögurétt:

- a) Stjórn S.T.Í. varastjórn og endurskoðendur.
- b) Framkvæmdastjórn Í.S.Í.
- c) Fastráðnir starfsmenn S.T.Í. og Í.S.Í.
- d) Allir nefndarmenn S.T.Í.
- e) Skotdómstóll.
- f) Formaður Olympíunefndar Íslands.

Auk þess getur stjórn S.T.Í. boðið öðrum aðilum þingsetu, ef hún telur ástæðu til.

Aðeins sá sem er í félagi, sem iðkar skotíþróttina innan sérráðs eða héraðssambands, er kjörgengur fulltrúi þess á skotþingið. Hver fulltrúi hefur 1 atkvæði. Þó má heimila að fulltrúi fari með fleiri en 1 atkvæði, en aðeins með atkvæði þess aðila-sérráðs eða héraðssambands, sem hann er fulltrúi fyrir.

7.grein

Aukaping má halda, ef nauðsyn krefur eða helmingur sambandsaðila óskar þess. Alla boðunar- og tilkynningarfresti til aukapings má hafa helmingi styttri en til reglulegs þings.

Fulltrúar á aukapingi eru þeir sömu og voru á næsta reglulegu þingi á undan, og gilda sömu kjörbréf.

Þó má kjösa að nýju í stað fulltrúa, sem er látinn, veikur eða fluttur úr héraðinu eða forfallaður á annan hátt.

Á aukafingi má ekki gera laga- og leikreglnabreytingar og ekki kjósa stjórn nema bráðabingðastjórn, ef meirihluti kjörinnar aðalstjórnar hefur sagt af sér eða hætt störfum af öðrum orsökum. Að öðru leyti gilda um það sömu reglur og um reglulegt skotþing.

8.grein

Störf skotþings eru:

1. Þingsetning.
2. Kosning þriggja manna kjörbréfanefndar.
3. Kosning þingforseta og þingritara.
4. Kosnar fastar nefndir:
 - a) Fjárhagsnefnd
 - b) Laga- og leikreglnanefnd
 - c) Allsherjarnefnd

Nefndir þessar eru skipaðar 3 mönnum hver.

5. Fráfarandi stjórn gefur skýrslu sína.
6. Gjaldkeri leggur fram endurskoðaða reikninga sambandsins til samþykktar.
7. Stjórnin leggur fram fjárhagsáætlun fyrir næsta ár.
8. Lagðar fram laga- og leikreglnabreytingar þær, sem fram hafa komið.
9. Teknar til umræðu aðrar tillögur og önnur mál, sem borist hafa til stjórnarinnar.
10. Önnur mál.
11. Þinghlé.
12. Nefndarálit og tillögur og atkvæðagreiðsla um þær.
13. Ákveðið gjald æviféлага.
14. Kosning stjórnar, varastjórnar, endurskoðenda og fulltrúa á íþróttþing.
15. Kosnir 3 menn í dómstól skotsambandsins og þrír til vara.
16. Þingfundargerðir lesnar og staðfestar.
17. Þingslit.

Fái fleiri en þeir sem kjósa á jafnmörg atkvæði, skal kjósa um þá á ný bundinni kosningu. Verði þeir enn jafnir, ræður hlutkesti. Einfaldur meirihluti ræður úrslitum, nema um lagabreytingar sé að ræða, þá þarf 2/3 hluta greiddra atkvæða. Þingið getur með 2/3 atkvæða viðstaddra fulltrúa leyft að taka fyrir mál, sem komið er fram eftir að dagskrá þingsins var send sambandsaðilum (skv. 5.gr. þriðju málsgr.)

Ársskýrslu S.T.Í., sem stjórnin skal leggja fjölritaða fyrir þingið, ~~svið~~ og ágríp af fundargerðum þingsins, skal senda framkvæmdastjórn ÍSÍ og sambandsaðilum STÍ innan tveggja mánaða frá þingslitum.

9.grein

Stjórn S.T.Í. skipa 5 menn, formaður, gjaldkeri, ritari og ~~tveir meðstjórnendur~~. Skal kjósa bundinni leynilegri kosningu, formann fyrst síðan meðstjórnendur, sem skipta með sér störfum. Kjósa skal einnig 3 menn í varastjórn, og taka þeir sáti ef aðalmaður forfallast og koma inn í sömu röð og þeir voru kosnir. Stjórninni er heimilt að ráða launað starfsfólk. Aðsetur stjórnarinnar er í Reykjavík. Reikningsár STÍ er miðað við 1. október.

10.grein

Starfssvið stjórnar S.T.Í. er:

- a. Að framkvæma ályktanir skotþingsins.
- b. Að vinna að eflingu skotíþróttarinnar.
- c. Að semja leikreglur og reglugerðir fyrir skotíþróttina.
- d. Að senda sambandsstjórn og framkvæmdastjórn ÍSÍ lögboðnar skýrslur og tilkynningar.
- e. Að líta eftir því að lög og leikreglur STÍ séu haldin.
- f. Að setja nauðsynleg bráðabirgðaákvæði.
- g. Að raða niður og ákveða stað og tíma fyrir landsmót. Það skal STÍ að jafnaði gera fyrir hver áramót og þá í samráði við stjórnir sérráða (héraðsstjórnir) og framkvæmdastjórn ÍSÍ.
- h. Að úthluta þeim styrkjum til skotíþróttarinnar, sem STÍ fær til umráða.
- i. Að koma fram erlendis fyrir hönd skotíþróttarinnar.

11.grein

Formaður S.T.Í. boðar stjórnarfund og stjórnar þeim.

12.grein

Skotsérráðin (héraðssamböndin) eru milliliður milli félaga sinna og stjórnar STÍ. Þau skulu og senda henni allar skýrslur um mót, sem haldin eru innan umdæmisins.

Þessar skýrslur skulu sendar innan mánaðar eftir að mótinu lýkur. Ársskýrslur sínar um störf sérráðsins (héraðssambandsins) og tölu virkra skotiökenda í umdæminu, skulu þau senda stjórn STÍ fyrir 1. ágúst ár hvert. Á þeim byggist fulltrúaréttur og fulltrúafjöldi þeirra á skotþinginu, sbr. 6. gr.

13.grein

S.T.Í. skal, í samráði við hlutaðeigandi héraðssambönd, vinna að stofnun nýrra sérráða.

14.grein

Stjórn S.T.Í. hefur frjálstan aðgang að öllum skotmótum og sýningum sem fram fara innan vébanda S.T.Í. Einnig á hún rétt á að sitja aðalfundi sérráða, dómarafélaga og héraðssambanda, sem eru aðilar að sambandinu.

15.grein

Avifélagar S.T.Í. geta þeir orðið, sem stjórn S.T.Í. samþykkir. Heiðursfélaga S.T.Í. má stjórn þess kjósa, ef hún er einhuga um það.

16.grein

Tillögur um að leggja S.T.Í. niður má aðeins taka fyrir á lögmatu skotþingi. Til þess að samþykkja þá tillögu, þarf að minnst 3/4 hluta atkvæða. Hafi slík tillaga verið samþykkt, skal gera öllum sambandsaðilum grein fyrir henni í þingskýrslunni og tillagan síðan látin ganga til næsta reglulegs þings. Verði tillagan þá samþykkt aftur, er það fullgild ákvörðun um að leggja S.T.Í. niður. Skal þá afhenda ÍSÍ eignir S.T.Í til varðveislu.

17.grein

Lög þessi öðlast gildi, þegar sambandsstjórn ÍSÍ hefur staðfest þau.